



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Macarivs Alexandr. 2. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

IAN. Vita Sanctorum 19
flammæ piaculares haberent. Id adéo
falsus ipse est orci tortor, quem Siculæ
quispiam eremi incola non semel que-
rentem audiit atque indignantem in-
numeros à poenis suis ODILONIS ab-
solvi precibus. Eos inter Benedictum
numerant VIII. Pont. Max. qui opem &
ipse viri imploravit, & verò sensit etiã,
ac gratus palàm laudavit. Atque hoc
stimulos subdidit ODILONI, ut sui
quotannis diem agerent piarum ani-
marum memoriã insignem; quod in-
stitutum id temporis uni illi familiæ
familiarè totus hodie Christianus orbis
amplectitur. ODILONI nostro mo-
rienti præsto ipse Christus fuit, Stygias-
que larvas cum suis terribilamentis
longe iussit faceffere. Nimirum quam
opem mortuis vivi ferimus, morituri
& ipsi sentimus. Ex Surro.

S. MACARIUS ALEXANDR.

2. Januarii.

Hunc MACARIUM nomine suo
Alexandria; imò fallor, suo ille
Alexandriam beavit. VII. annis sine
cocto edulio, sine omni somno dies XX.
quadragintadiæ jejunium sine omni
cibo transegit. Satur intercã cali deli-
ciis, & piis nunquam non lacrymis
ebrius. Inter hæc Cupidinem bella sibi
moventem aggressus, culicum præsi-
dio corpus cinxit; quos inter cum sex
B 2 adéo

adeo menses nudus decertasset, horum aculeis longè hostem submovit. Quid multis? brevi tam parvo milite ingen- tem, & formidandum tyrannum debel- lavit. Poenitentem Sacerdotem à sacri- legâ Venere, & qui in poenam afflicti corpore serpebat, cancro eâ lege absol- vit, ut ne porrò sacrificaret impurus. Nec in homines solum pius, cœcum fera, nescio cuius, partum sputo suo il- litum lumine donavit, oviculâ exuviis gratâ parente vicissim donatus. Inte- precandum ita se ipsum fertur adhorta- tus: *anime mi, ne te in terras è calo demit- te: ibi Deum & cum Deo Dei aulam om- nem habes.* Viderat nimirum quando que, quàm multiplici dolo astuque tur- bare precautum animos malus hosti- niteretur. Ob hæc aliaque ejuscemod- prædicantibus verè MACARIUM, hoc est beatum, ut qui mundo tam belli- illuderet, illud responsi dedit, caverent ne ipsis mundus illuderet. Vivere por- rò desiit, cum annū ageret centesimū, & documento sanè fuit mortalibus, fru- galitate & vitæ religiosæ asperitate nos- minui annos, sed crescere. *Ex vit. PP.*

S. GORDIVS M. 3. Januarii.

Potuisses olim eremum campum di- cere Martium, unde illi prodirent qui bella orbī, qui tyrannis moverent. Ita GORDIVS etiam noster è nobili mili-